



PURANI PARAMIČA GREKICKA

La molako Del, o Dijoniso, džalas le dromesa aj arakhlja sumboro pe phuv. Vazdja les, thaj gelo maj dur. Kothar, arakhlja jekh čirikljako kokalo, aj čhutja vov o sumboro ande la čirikljako kokalo ke, sar vi tume sar džanen, ande o kokalo si gropa.

Apo, gelo maj dur. Kathe, arakhlja kokalo ekha švirako, thaj čhutja kado čirikljako kokalo anda la švirako kokalo, thaj atunči gelo vov maj dur, kana arakhlja ekh levosko kokalo. Čhutjas la švirako kokalo ande le levosko kokalo, ke le levosko kokalo sas maj baro.

Atoska kothar, amboldjas khere, aj čhutja o kokalo ande phuv. Maj palal, dikhlja o Dijoniso ke barilo kothe strugoro. Las les o Del thaj kerdja lestar pimos.

Datunčara dži kadjes, kon pel kodo pimos, džilabal sar čirikli, dilo lo sar švira, thaj vi gindil ke zoralo lo sar levo.

Katar o Isopo

*Kalderašicko dialektu
andar o Švedo*